



Korpset tar mot velfortent applaus under den imponerende Jubileumskonserter i februar (Foto:Rolf Hestetraet)

Om tre veker samlast 40-50 av dei beste korpssungdommane i fylket i Uskedalen. Helga 9.-11.september har nemleg Hordaland Ungdoms Brass Band første samlinga si for sesongen her i bygda. Base for samlinga er skulen og aktivitetshuset

Samlinga startar fredag kveld. Øvinga held fram heile lørdag, og søndag føremiddag.

Deretter er det klart for konsert i aktivitetshuset om ettermiddagen. Konsertforestillingane med HUBB plar vera publikumsvennlige, og av høg musikalsk kvalitet.

Dirigent for denne samlinga er Pål Magne Austnes, og han skulle vera godt kjent for Kvinnheradspublikummet, m.a. som dirigent for den imponerende UNGT BLOD-konserten som skulekorpsa i Rosendal og Uskedalen samarbeidde om for eit par år sidan. Eit viktig poeng er det og at ungdommane i Brazzooka skal vera solistar under konserten.

Vi er sikker på at det vert ein konsert som fortener eit stort publikum. Det blir musikk mange vil lika! Både unge og eldre!

HUBB har 4-5 samlingar rundt om i fylket årleg, og på kvar samling øver dei inn eit nytt konsertprogram som dei framfører som avslutning på samlingane. Tilsaman er i overkant av 25 skulekorps representert, og både Rosendal skulekorps og Uskedal skulemusikk har gjennom åra hatt mange medlemmer som har nytt godt av dette gode tilbudet. Desse korpsa vert godt representert også på denne samlinga. I og med det er første samlinga for sesongen vert det nokre nye medlemmer; - også frå vår kommune.

Eldsjelene Ole Johan Aarlie og Kjersti Pisani legg ned eit enormt arbeid med dette fylkeskorpset. I snart 6 år har dei styrt korpset på fortreffelig måte, og dei har fått det til å fungere svært godt både musikalsk og sosialt. I februar hadde korpset ein imponerende Jubileumskonserter (5 år) med Tor Endresen og Frode Alnæs som solistar. Korpset har ikkje fast musikalsk leiar, men skifter dirigent frå samling til samling.

På samlinga i Uskedalen hjelper naturleg nok Uskedal skulemusikk til med praktisk tilrettelegging, og skulemusikken synst

11.11.2020

Uskedal Utvikling

det er både inspirerende og kjekt at HUBB har lagt denne samlinga her til bygda.

Av Thor Inge Døssland